



五



大岳太
和山誌
卷之八

藝文

詩

國朝

又

路入南巖景更幽
憑虛高閣迥生愁
雲浮石檻蒼疑動
雨過松林碧欲流
別澗泉聲時細細
隔溪禽語晚啾啾
道人指點神仙跡
苔鎖荒臺滿目秋

呂顥知府

仙山喜在郡侯封
駐馬瞻躋瑞應籠
風送柳梅含碧澗
雲開杉木掛丹峯
雙飛日月常迴合
萬轉陰陽自鑄鎔
極目欲從天柱

問九霞來護步虛蹤

又

芒屨登山日欲斜
暫携竹枕卧烟霞
瑤函晝啓千年秘
寶燭春開五色華
雲擁紫龍聯檜葉
風來黃鳥落桃花
清宵有夢誰相約
冉冉紅塵路轉賒

又

檻外丹霞倚翠巒
千峯如揖坐來看
鸞杯香動春初霽
鴟鳥群栖歲不寒
嫋嫋笛聲

雲外轉悠悠琴韻月中彈徘徊更笑棋枰
處多少輸贏事不干

朱瑞登御史

山行到處縱奇觀幸憶名山不盡看天柱
峯頭香滿徑仙衣亭畔日三竿群巒羅立
蘿毫渺四海浮空心自寬始信俗緣渾不
染惟餘玄鶴舞雲端

又

曉攀雲磴禮高真金殿重輝皂纛縣新法界

渾疑塵外象玄機猶憶箇中身瓊花紛舞
迎仙侶丹竈長封扣谷神悟到鉛關入不
識萍蹤何日寄山隣

又

自入山來分外清吏情今日少塵嬰步虛
聳處千峯隱眼界寬時萬象明雲鎖瓊宮
真異世香浮丹洞是蓬瀛此中景與原無
盡却笑征人又促程

又

此日登山意轉濃欲躋玄岳祝華封恍看
仙樂從天降最愛巖泉掛壁衝遊子無心
尋勝地道人何事離雲蹤浮生暫寄真堪
賞喜向名山坐對松

馮岳都御史

歷歷奇峯餘七十總有画工描不及物外
端的有仙家等閑不許凡入入香飄玉露
草木寒昂結金丹神鬼泣早上三公禮玉
清半空珠頂鶴飛急

張舜臣都御史

靈峯瞻仰不勝情盡日窮探興轉生昇徑
曲披雲霧入峭巖危傍薜蘿行三山未必
能雙峙五岳何由獨占名元老同遊真勝
事龍頭灘畔聽泉聲

又

層山躡盡見靈峯壁立中天翠萬重白晝
晴烟迷澗谷青霄瑞氣靄芙蓉霞宮隱映
蒼龍宅瑤樹參差碧玉叢

聖祖神孫尊禮備永祈萬載奠皇封

又

神宮高峙紫霄間石磴岩峩盡日攀回首
雲烟迷萬壑翩翩獨有鶴飛還

又

名岳靈神奠此邦雄觀勝槩世無雙菲才
叨忝鄖襄寄願保生民福祿降

又

躋攀傳午謁氤氳萬壑千峯望不分金殿

當頭紛紫翠神光隱見九霄文

又

夜半空山煖氣收天風瑟瑟似高秋踈松
漫引笙簧奏遠水忽驚澗壑流

又

丹崖眺罷未論歸直向西天送落暉何處
一聲雲外鶴翩翩應共羽人飛

又

天柱崔巍拂日輝萬山羅列迥相依初疑

大益太和山誌 卷八 四九二
地僻人遊少却信峯高鳥不飛

又

一柱冲霄翠色濃日華拂曙影先紅
四旁不見山何許真是中華第一峯

又

玄武山頭寶殿新崔巍直並紫霄隣
參神卓午從容望縹緲祥雲五色真

又

安神來駐萬峯前檻外雲生紫極邊
隱隱

夜深鍾磬入似聞仙樂落鈞天

又

曉日攀蘿到上方紫雲祥霧各蒼茫
竒遊不解人間有天柱峯頭飲玉漿

又

層巖歷盡詫登仙開眼渾疑到九天
白日輝輝簷外度紅雲裊裊座中鮮

又

接蹟曾聞福地名紫霄宮畔玉泉清
松搖

大雅志詩 天卷八 五十一
黛色千崖暗霞靄晴光萬壑明

汪大受都御史

寒流窈窕洞門深列騎飛旌照曉林境會
桃源秦世界宮開福時漢光陰冕旒高拱
瞻玄象香火靈祠識聖心釐祝幸逢宣室
後清齋空閣夜沉沉

又

峭壁中天翠展旗瓊臺疊疊紫紅霓金光
殿閣明霞爛瑞氣峯巒遠漢移六月杉松

深帶雪千年芝草淨湏池忽聞仙樂從空
下恍覺身遊玉帝墀

又

五老峯前嶺路迴南天勝地倚崔嵬百泉
歸壑秋初靜萬木攢雲晝未開鰲負珠宮
懸翠壁龍蟠瑞霧隱丹臺仙基巖畔青鸞
化留得神功度柳梅

又

凌虛上界宿琳宮歷井相參幾萬重日落

千山回放晝雲深百里迭聞鍾
身体太乙黃金闕夢繞玄都白
玉龍北極通天還有路明朝更
上最高峯

又

倚天削翠領群峯金闕高居儼
聖容宸象日懸星北斗祥光時
現玉芙蓉風雲縹緲威靈動霄
漢玄虛咫尺通萬代于今隆秩
祀故令瞻禮萬方同

李凌雲副使

覽勝名山日未斜相將步履訪
仙家高瞻絕頂依霄漢細讀遺
編感歲華倒影欲移雲外石翻
飛猶響樹頭鴉清尊共遣樂無
際醉卧東方發曉霞

又

傍隱迴巖繞徑斜幽尋無處不
仙家身經高閣薰蘭氣座拂平
臺帶露華雲擁碧林疑伏虎香
招玄鶴宛棲鴉登臨若欲被靈
異回首蓬萊五色霞

又
聯步層霄一望幽千年勝槩共豪遊群峯
羅列高還下萬壑茫茫春亦秋地接中嵩
通遠脉天臨北極擅名流追陪共向山靈
祝金闕遙添海屋籌

又

琳宮玉宇不春秋澗湧碧霞向日流諸殿
遙從天外見五龍恍若畫中遊巢棲古栢
餘群鶴壁入層霄聳數丘似有神仙度絕

嶂烟雲拱護散還收

李遷副使

春山乘輿陟層巔霞巘星巖幾洞天萬樹
風烟紛疊翠九霄宮闕獨棲玄藥爐丹火
何年伏閣道峰旗盡日懸峯名却笑勞生
空白髮願從此地覓真銓

又

平生丘壑多幽興春暮還登大岳巔豈爲
塵緣貪出世翻因吏事得尋仙瑤臺露淨

衣裳冷石塢花深錦綺鮮落日洞門歸路
杳坐烹薇蕨酌山泉

李洛同知

湖海名聞大岳宮勝遊今始慰閒衷碧天
有路層雲隔紫禁無塵瑞氣籠蓬島數疑
銀漢外華胥一夢太微中從今眼界超凡
世准擬還丹賽鶴翁

大岳

章煥都御史

大岳高居尺五天寰中五岳似星躔山河

表裡神都迥玉帛玄黃秩祀虔虎豹九關
森羽衛駭龍群帝儼迴旋空中彷彿聞天
語大道無言意已傳

天柱峯

岩堯天柱起天中柱下千峯拜舞同一氣
混茫開分野三垂寥廓見嶢嶢乾坤獨立
風塵表日月雙瞻法界空從此搏扶憑羽
翰還期天路得相逢

入天門謁太和宮

天梯歷遍見天門始覺鈞天帝座尊玉几
平臨當露掌瑤壇羅列盡雲屯階符次第
連辰極華盖分明見紫垣身在迷方今始
覺將因太上問真源

南巖宮

三十六巖何者奇南巖巖巖壑多幽姿飛空
欲作翔鸞舞跨澗真看渴虎垂樹杪迴欄
特隱見雲中棧閣故參差歸旌欲問來時
路洞口雲深已不知

入南巖巖下

誤入南巖路頻疑別有天深谿千仞落飛
閣一巢懸鳴澗當窓急長松拂障眠此中
能避世端坐已忘年

五龍宮

五龍樓觀五雲傍遙見龍文五色光一水
中分涵日月二儀吐納辯員方青羊澗口
青霞繞紫盖峯頭紫電長霖雨欲來巖谷
暝猶疑神物在茫洋

自然菴謁希夷像示諸生

希夷入道太華峯
臨法相傳自五龍
一蟄深功藏奧竅
仙關長日白雲封

酒水巖示諸生

飛來片石似雲帆
暗吐神泉瀉石函
莫言滴水濤瀾小
一作商霖即傳巖

紫霄宮

行盡青山入紫霄
函關紫氣鬱岩堯
乍看雲霧生巾烏
轉覺簷櫳隔絳綃
池上七星

低可掬峯前五老坐
相邀空中冉冉聞清
樂指引鸞驂路漸遙

紫霄宮待月

眇渺丹臺接上清
清宵今在紫霄行
涼颼拂路雲爲馭
朗鑑孤懸月並明
手酌天瓢
食沆瀣身隨斗柄握
璣衡回看大地山河
在泡影光中萬象生

經仙桃觀過玉虛

散步仙桃觀
穿雲過赤城
瑤光開淨宇
踈

影墮空明澗底爐烟淡松間玉磬清綃衣
朝斗立微聽度虛聲

玉虛宮

縹緲丹丘上清虛隱玉臺霓旌雲外度
鶴鏡中回林籟噓還寂明霞掃不開澄心
元不染對此一徘徊

玉虛橋上步月

偶向池邊問月明不知身在月宮行
玉虛元是清虛府永夜今開不夜城
姑射仙人

真綽約水晶宮殿自輕盈冰姿皓魄嬋娟
淨弄影相看浸碧泓

玉虛巖

秋風吹度玉虛巖洞口垂蘿已隔凡
巖中人不見隔谿惟見影峴峴

凌虛巖對桃源洞

懸巖浮動欲凌虛彩鳳翩翩兩翼舒
桃源洞口人相待爲寄青鸞海上書

坐玉虛巖下示諸生

自笑山人意本虛
虛巖一坐意俱除
閒來玉宇渾無事
獨聽流泉過石渠

已未三月遊太和以雨止遇真宮宿夢
與諸友人賦詩不知何許人天明因書
於此

堯山吳百朋 御史

春日無心度物華
且尋幽事到仙家
捲簾却對道人坐
閑敲棋枰看落花

登太和山口占一絕句

乘興直上天柱峯
半山雲起低太空
分明聽得天人語
萬里乾坤在眼中

遊太和山次雷少郭韻二首

龔秉德 副使

疊嶂層崖石逕斜
虛空樓閣迥仙家
北來瀚海通雲氣
東望滄溟閃日華
樂奏瑤臺疑度鳳
香浮寶樹漫棲鴉
遙瞻絕頂多靈異
幾向峰頭卧碧霞

又

穿崑度壑路紆斜言坐東林羽士家星劍
自知懸北斗道經未許續南華山橋雨過
啼春鳩石壁風生噪晚鴉見說真人開寶
笈將從此地訪丹霞

登天林峯絕頂謁 女帝祠二首

千尋盤石磴一逕躡雲梯漸覺諸天近迴
看萬嶺低金庭懸日月仙掌接紅霓空外
無人語玄關報午鷄

又

巍巍標上界隱隱鎮中原香靄青真散烟
霞白晝屯帝靈金作闕山險石爲垣縹緲
紅雲裏虔心禮至尊

宿紫霄宮躬閱醮事漫成八韻

鍾鼓嚴仙署燈輝隱道房瑤壇供靜水石
鼎藝名香教演真元偈筵開功德場芝童
調玉乳羽客薦蘭漿劍呪驅魔遠符靈引
旣長經聲雜笙磬幡影動宮牆歷歷星明
殿微微月轉廊坐觀玄境秀頓使世情忘

山遊雜詠六首

鐵鎖鈎連上碧霄萬峯蒼翠鬱巖堯夕陽
何處動幽響疑有仙人下洞蕭

又

仙樂遙傳杳靄間雙披鶴氅盡朱顏似因
識得阿童面金殿前頭第一班

又

黃龍洞口松花落黑虎潭邊蕙草萋幾向
飛昇臺上望白雲深處鎖丹梯

又

宮入南巖景最嘉臺存禮斗護流霞柳梅
初結三春實芝草還開五色花

又

夜來雲卧在逢瀛夢裏分明謁太清醒後
忽聞蕭鼓涕依依猶是步虛聲

又

月轉玄門景象寬凌風鶴翅入雲盤道人
多少清虛興夜夜吹笙上碧壇

大邑天台山記 卷八
曉發遇真宮由九渡澗歷玉虛崑作
捫石躡重巒凌虛俯幽谷登陟盡險艱蒙
茸穿水竹潭古潛蛟龍林深走麋鹿激澗
瀉潺湲竒花吐郁馥鬼斧伊誰運鑿此仙
人窟華構嵌嶇嶮飛簷懸突岬恍披九華
峯疑入三天竺石髓呈異香瑤草抽新綠
忽聞鳳簫聲雲輶下廣陸南崑午鐘餘西
林暮景促翩翩王子喬邀我洞中宿戀茲
玄府寂願言謝微祿

再登玄岳一首

萬峯疊翠倚雲間盤礴真當虎豹關天險
西來連華岳地形南下接荆蠻橋橫碧玉
留仙跡闕湧黃金貯 聖顏獨立清虛玄
境闊果看身世出塵寰

宿南崑宮次章鄧山韻

雲卧丹房敞玉扉遙瞻 帝座隔重園乍
驚羽客鸞簫度虛擬仙人鶴駕歸撫景未
題西澗竹禮真先薦北山薇夜深何處發

清籟絕壁泉聲百道飛

飛昇臺下訪劉道人，不遇因題其壁。

蹊逕通幽壑，言尋靜者居。
蒲團留敝衲，石壁挂丹書。
鳥鳴還去松花落，未除朝元
何日返延佇，幾躊躇。

過五龍宮

萬壘與千重，尋真過五龍。
瑤臺清靄散，丹井白雲封。
地僻猿棲樹，林深虎卧峯。
相逢多道侶，良夜話仙蹤。

贈自然庵道士

問訊清虛客，修真尚此庵。
玄宗應自悟，大道頗能諳。
汲水龍歸鉢，燒符虎入籃。
因君脫世網，吾意欲投簪。

遊太和山四首 成子學 參議

縹緲遙瞻江上山，忽從仙子度松關。
金開洞宇籠朱旭，玉漱巖泉噴彩鸞。
瑤圃丹凝雲氣冷，鈞天樂奏鳥聲環。
馮虛爲想桃源路，惆悵胡麻水一灣。

又

翠入蓬壺第一峯開雲種玉擬相從
叅同有訣傳丹籙辟穀何年訪赤松
黑虎當崖驅猛瘴烏鴉繞樹散晨鐘
帝閭杳靄笙簫近爲闢玄關十二重

又

覽遍巉巖最上頭踈林月色浸寒流
松盤石磴千峯曙泉湧溪橋九渡秋
寶劍懸崖龍欲吼靈旗捲霧鬼應愁
王喬定有飛冲

訣不是尋芳汗漫遊

又

斜日乘風踏翠苔笑援鐵鎖上高臺
柳梅秀結三春雨砧杵剗磨萬劫灰
謾擬玄精涵太乙却緣紫府覓蓬萊
會須脫屣塵寰事直跨仙鸞海上迴

遊武當

胡汝霖少卿

特扶青杖叩靈山萬轉瑤梯盡日攀
漸度星橋瞻帝座始知天路有僊關
鳴鷄棧迥

風烟別巢鶴松高歲月閑
辨得謝公雙屐在長期七十二峯間

宿南巖宮題壁

昨日太和登絕頂金檻寶臺日流影一水
悠悠見漢江萬峯矗矗連秦嶺下脚南巖
聽暮鍾天聲夜發呼亂松朝來白雪迷笙
鶴人在青霄跨玉龍

太和宮建醮祝

李元 中書舍人

聖壽

名雄宇宙太和山三上天門天可攀特叩
瑤壇開壽域忽聞鈞樂出玄關纔瞻金闕
乾坤闊暫過琳宮日月閒親見靈光昭聖
瑞嵩呼頻效在雲間

玉虛巖

九渡溪頭入洞天森森萬木護雲烟岩堯
有徑通蓬島寂寞無聲隱浪仙却笑桃源
空自秘還疑壺景未能先虛巖獨坐澄諸
欲惟聽潺湲瀉玉泉

迴龍道中

李燧叅議

遙向名山禮至尊
穿林度嶺趁斜曛
千山隱隱雲雷變
萬木沉沉日月昏

過紫霄宮

覽勝來登天柱峯
探玄先過紫霄宮
展旗山上祥雲護
授劍臺前瑞霧濃

南巖道院

高閣危樓漢外懸
仙人宅窟巧相連
何須瀚海訪蓬島
處處笙歌是洞天

萬丈峯

萬丈峯高客到稀
搏風時有彩鸞飛
何當借我凌雲翼
直上峯頭一振衣

度三天門

天門三度叩仙關
鍊鎖千尋盡日攀
帝座遙瞻天尺五
鐘聲隱隱落雲間

望天柱峯

一柱凌空翠萬重
青天倒削玉芙蓉
群峯拱向多靈異
日觀何由擅岱宗
泰山之日

觀峯亦稱峻極而太岳佳麗過之故云

登天柱峯

天柱峯高望欲迷轉攀金鎖躡丹梯塵寰
俯視方輿小星斗平臨霄漢低

又

孤峯萬仞挿青霄金碧輝煌寶殿遙地遠
應無塵鞅到夜深疑有鬼神朝

飛昇臺

仙子飛昇不記年仙臺留得至今傳我來

不遇王喬侶何處開山種玉田

望五龍宮

五龍此去無多地翠壁丹崖烟霧深欲謁
龍君傳睡法西山無柰夕陽沉

太和道中

夢遊太岳幾多年此日登臨一爽然仙樂
依稀流漢外具宮縹緲倚雲巔重巒疊嶂
應無地琪樹瓊花別有天自咲塵根何日
淨願從此地學飛仙

南巖宮

路轉南巖景更幽來遊况復是清秋紅分
林葉濃於染翠疊山盤恰欲流天上不緣
拔鶴侶人間誰識有丹丘匆匆不盡登臨
興無那雷神雨未收雷神洞名
在本宮北
登太和山漫興八首

陳孟章 戶部主事

遙看宮殿倚雲巔逐客捫蘿此豁然錫珙
有恩仍禹跡藝檀無所祝堯年崖高誤駭
泉飛雨樹密頻窺葉露天縱步林泉遑應
接擬將誠展

玉墀邊

二

何處高真是所棲危危天柱更無齊振衣
萬仞乾坤濶回首諸峯日月低欲向玉臺
朝帝闕先攀金鎖上天梯屏息塔墀端虎
拜不知身世入雲霓

三

忽入僊關扣紫宸還須有分得尋真樓臺
海上應無地鷄犬空中覺有人山擁諸峯
朝上闕水分玄液澤生民乾坤自有真蓬
島漢帝何須祭海濱

四

幾迴夢與赤松遊清賞今逢玉露秋寶殿
玲瓏回碧落丹梯宛轉入仙州彤雲冉冉
蒼楹動遠嶠重重海浪浮空裏漸聞天樂
近函關應有跨青牛

五

袖帶飄飄入翠微幽關真與世情違花從
削壁含香放鳥向叢林得意飛四面青巒
攢畫戟半天祥靄罩羅幃鼎湖信有乘龍
侶更喜出巖頭掩竹扉

六

山色重重鎖翠紋深林小徑趨斜曛天因
虛壑生靈賴地向懸崖起淡雲香梵長途
仍絡絳簫笙何處儘破砌新來覺得塵根

淨笑對僊僊鹿豕群

七

檜栢簫森噪晚鴉洞中猶聽讀南華雲浮
青嶂生玄霧日閃金門爛紫霞絕磴千盤
通上界懸崖幾處有仙家扶筇欲盡山林
興爭柰

皇恩報未涯

八

壯遊最喜攝玄蹤
斷壑疎林散曉鍾
翹首

洋洋金法象凭闌
朶朶玉芙蓉風雲縹緲
三千界日月迴旋
幾樹松羽客携尊盟後
會桃花流水定相通

謁太和

王格 僉事

滄江一卧幾經秋
忽爲名山賦遠遊
髮變逢人從白眼
心玄到處即丹丘
朋徒共飯安期棗
道路咸驚馬老子牛
此去暫辭猶萬里
家人不必問刀頭

過清微望太和

鸞鷲凌曉度清微遙望靈山紫霧霏百里
松杉濛上路八宮臺殿鏤仙扉春留雪色
粧銀闕日引花枝映羽衣三十餘年慕真
意今來始得一皈依

宿紫霄宮二首

山上清宮切紫霄我來仙氣捧雲輶白頭
自喜身能健絳節應知路不遙石磴斜盤
千樹合金關晴啓萬靈朝尚平何日無婚
嫁乞與中峯種玉苗

又

真僊昔向此中依百尺瑤階啓玉扉福地
樹頭曾掛劍古巖石上尚藏衣行人暫借
天間住羽客疑於世界違一宿雲房孤夢
醒頓驚馬生事舊來非

經自然菴

謁帝歸來憇碧岑雙童指點入花林仙衣
試着形猶慢真客相逢語遂深谷口鳥鳴
春氣媚松間虎嘯夕陽沉明朝又不見襄東

路回首雲峯幾萬尋

憇玉虛宮

大岳諸宮雄楚州
又聞仙院獨堪遊
殿頭日暖花明岫
檻外風輕柳覆溝
聖水未生須拜井
仙衣雖去可登樓
石魚梁木傳神異
盡日空堂語未休

過遇真宮

玄岳門開響玉簫
崔嵬紫府控山椒
仙人架上聞金箬
遊客溪邊度石橋
已覺地維

超俗劫更聞天語
慕道遙長廊肅揖瞻顏
色水碧何緣賜一瓢

過淨樂宮

玄帝清都漢水邊
宮門淨樂榜高懸
封疆傳自神農日
香火今逢堯舜年
歲久石幢封綠蘚
春來珠樹散青烟
相將况是真仙集
涼雨踈燈滯暮筵

玄岳道中二首 章士元 副使

千山翁鬱對萬山蒼
石磴逶迤接漢長
拄壁

松杉常護險避人麋鹿遠啣芳客輿隱見
穿林靄仙樂依稀出院墻歷徧層巖方卓
午更從雲際指前岡

又

籃輿拂曉及山陲試着芒屨陟翠微北瞰
懸崖凌夜斗東窺溟海盪朝暉雲凝芝草
留仙室風落松英點客衣一度登龍從一心
爽好將凡格悟真機

宿南巖宮

朝元來扣紫雲扉百疊丹青繞四圍絳闕
平依層漢起石壇高迓列真歸晨寒蘿壁
拋簪鳥背卧芸房煮蕨薇忽聽泉聲聊倚
閣白虹無數正空飛

天柱峯絕頂

天柱峯頭插九霄衆峯齊拱若群僚千盤
石磴摩空又三闕金門禮

聖遙福地舊傳靈蹟異真風應洗世緣道逡巡
欲問仙人館幾處吹笙醉碧桃

登武當

黃廷用法馬

尋真久矣聞玄岳今日遙臨路始通絕磴
千層凌過鳥危欄萬丈鎖飛虹登天杳在
煙霞裏謁聖翛然日月中安得芒鞋分半
榻探源來藥老春風

又

太和延袤八千里形勝堪當第一山金碧
輝煌開帝殿崑巒杳靄抱仙關烏鴉萬
樹猶朝暮黑虎千年自往還獨立龍泉橋

上聽澗流九渡水潺潺

撫治劉公十月祝

聖壽於太和宮隨侍早朝二首

張錦知州

玄岳摩霄漢清晨禮石壇雲門仙吹響柱
史法冠寒精意通金闕祥光遠壁欄恍聞

天際語

聖壽樂無疆

又

星斗光寒欲曙天
官僚鵠立拱群仙
會者豸服霜威重
遙望龍輿日影旋
玄極即今凝

聖道

今建玄極寶殿故云

清微從古仰真銓
憲臣報國丹

心切太岳齊呼萬壽年

宿玉虛方丈

俞憲按察使

每憐迂癖重周遊
覽勝無如此地優
林壑景參宮闕麗
仙人宅與帝王侔
心懷神聖形如見
身住清虛夢亦幽
自是不能辭世

網何須海外覓蓬丘

雪夜登太和宮

天留好景待遊人
萬壑千峰雪後新
已覺金庭增照耀
更憐銀嶠照嶙峋
燈前花葉繁珠樹
榻上星河燦紫宸
浮世幾回能到此
不妨登頓及清晨

登太岳

三首時奉

命督修

張守直

工部左侍郎

天上芙蓉貝闕齊
千岩功德鬱蔚標
題處修

到處通金頂秘檢討時化紫泥爲憶靈簷
雲氣濕更攀危檻斗星低仙源誰許人間
到流水桃花路不迷

又

森羅仙逕接珠林塵世清都詎易尋帶露
壇花常灼灼棲鸞圍樹自陰陰山當八百
荆吳壯水落東南漢沔深自是名寰招隱
地何人不動紫芝心

又

上界三門路轉賒金城天柱勢查牙陰崖
雪後留寒漬霽日岩頭放午華九渡鳴泉
思帝子五龍潛景秘丹砂翻憐去後神工
在度却南巖柳樹花

太和即事

次中丞朋石韻

環珮趨踏大樂調叨陪列辟躡層霄爐烟
漸拂仙壇潤龍節初飄海霧遙

上帝高居司北極靈臺符瑞勝

清朝三天拜罷分明見冉冉紅雲護紫簫

登太岳奉和少司空張筆翁韻

艾杞 工部主事

瓊宮上與碧霄齊
曾入仙人舊品題
谷口桐花飄白雪
洞門石髓護青泥
龍幢一去乾坤老
法座常懸日月低
自是陽春難屬和
登高極目五雲迷

又

笙簫隱隱出高林
使節乘春輿易尋
曲檻飛虹懸壑穩
層崖積雪上方陰
五城瑤草

烟霞近萬壘
靈巖花木深
却咲劉郎緣底事
仙源忽動故園心

又

天門如柱轉紆迴
回首群峯似列牙
高閣御風瞻北極
故鄉落日望西華
花當三月明金殿
仙去千年秘玉砂
盡日看雲歸岫晚
香爐石上數株花

登太岳和少司空張筆翁韻

施篤臣 副使

峩堯天柱紫宸齊帝子高居揭玉題鄉月
重來通鳥道使星遙望隔雲泥飛橋斜度
南宮近虛閣平臨北斗低自是張騫仙骨
異乘槎天上出塵迷

又

誤來採藥入仙林仙去林空何處尋石上
黃芽春欲暖洞前白雪晝常陰時時笙磬
天門杳歷歷樓臺烟樹深歲暮山中無一
事拋書終日獨觀心

又

步上天關望轉賒群峰隱見疊崇牙烟巒
八百連嵩岳雲洞三千接泰華龍虎何年
藏迥谷龜蛇依舊護靈砂鍊師寄語遊玄
圃策杖同看珠樹花

登太岳和張筆翁韻翁曾同官銓曹舍
弟篤臣亦曾和其韻於壁間

施堯臣 參政

憑虛一望入燕齊五嶽真堪共品題壘巘

層巒開洞府天梯石棧絕塵泥神遊十載
良非幻身到三天信不低好景便須留作
主桃源再覓恐多迷

又

千峰如戟復如林臺殿高低並數尋今古
空中懸倒影晨昏地底見浮陰化工裁剪
德何厚

列聖崇嚴道亦深江漢旬宣因謁此萬年稽
首召臣心

又

尋春十月興充賒勺取靈泉嗽齒牙聲折
瑤階儼北闕掀翻玉檢讀南華長生自古
原無訣少病須知別有砂閑處令人發深
省明朝空憶眼中花

太和宮

孫應鱉都御史

天柱開金闕虹梁綴玉墀勢雄中漢表氣
渾太初時日月低雙壁神靈肅萬儀名山
遊歷遍誰似此山奇

萬儀見古樂府

天柱峰

中天縹緲開靈域特地雄標山影直
曉日初臨大頂東萬峰盡散黃金色

南巖

三十六巖盤福地南巖景物更檀樂
滿襟水月春常在一咲乾坤夢已殘
日暮靈苗滋雨露風迴仙珮引琅玕
紅顏羽翰當年事坐對高松欲掛冠

紫霄巖

芳巖芳草暮桂澗桂波涼獨立思君子
德泐一斷腸

武當澗

紫極孤岑斜入黃崖衆水同沉天邊
微生岸影澗裏驟結浮陰

五龍峰

岸容初得兩山勢欲飛天王母乘雲
至班

龍九色鮮

未見漢武內傳

玉虛巖

雲盡長空天一色寂然萬籟明初物華
滿眼能交樂得喜年來住玉虛日出扶桑
謂之朏明見淮南

紫雲亭

焚香兀兀小亭前柴立中央象帝先繚繞
紫雲常不散依稀玄嶽降生年

登太和遇雨

顏鯨提學副使

石門危磴走松湍四月懸崖雨雪寒分付
山靈休作恠早推日轂出雲端

工虛宮次中丞楊朋石韻

陳省御史

恭承

帝命祀玄居絳節遙瞻在太虛秩典幸同精白
侶致齋喜入紫霄墟明禋上契金仙秘啓
祝無勞玉簡書賦就中丞真大雅茂林遺
草陋相如

天柱峰留贈雷信菴侍御

馬一龍國子監司業

今吾老矣奈時何萬里逢君一嘯歌瞬息
百年成浩渺振衣千仞立嵯峨眼前世界
只如此頭上青天高不多可惜四方孤矢
志功名兩字真蹉跎

雪天同林君梅窓登太和

葉九金知州

一入桃源路不賒萬峰樓閣倚雲斜天遺
帝座開玄岳人唐僊關拂紫霞檻外玉簫鳴別
澗中瓊樹亂飛花烟蘿深處還堪賞晚

色一者接太華

又

緩步尋真上九霄壯遊何會得聯軺東山
不愧謝安石葉令猶慚王子喬登嶂晴雲
舖錦繡懸嵯墜雪桂瓊瑤浮生恍惚知何
處銀漢誰云萬里遙

又

靈岩信宿思悠悠起望千峰曙色開裊裊
爐烟浮八極晶晶燭影射三台斗間紫氣

留神劔石上殘棋尚故臺更有林逋多逸
興穿雲入磴共徘徊

又

直上天門景更幽金城臺殿甲中州丹梯
萬丈雲霞杳白浪千層雪霧收點點秦山
橫地出悠悠漢水接天流銀河夜色清如
許蓬島何須海上求

大岳太
山誌卷之八終



